



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ირან-ოსმალეთის დროებითი ბავი 1554

ირან-ოსმალეთის დროებითი ბავი 1554, დაიდო არზრუმში 1554 წ. 26 სექტემბერს, ირან-ოსმალეთის პირველი ომის (1514– 55) დასკვნით ეტაპზე. 1549–50 მიჯნაზე თურქებმა ხელთ იგდეს სამცხე-საათაბაგოს დას. ნაწილი – ტაო-კლარჯეთის მხარე. ამის საპასუხოდ, შაჰ-თამაზ I-მა 1551 კვლავ ილაშქრა საქართველოში. იგი შეეცადა ხელში ჩაეგდო ოსმალეთის მიერ დაკავებული ტერიტორიები სამხრ.-დას. საქართველოში.

1553 ზაფხულის დამდეგს ირანის წინააღმდეგ საპასუხო ლაშქრობა განახორციელა სულთანმა სულეიმან I-მა. მან დაიკავა ერევნისა და ნახიჩევანის ოლქები. ამის შემდეგ ოსმალები შევიდნენ სამცხეში და ოლთისთან დაამარცხეს ირანელები. შაჰი იძულებული გახდა ელჩი გაეგზავნა სულთანთან და დაზავება ეთხოვა მისთვის. ეს დროებითი ბავი ოფიც. დიპლ. დოკუმენტის სახით გაფორმებული არ ყოფილა. მიუხედავად ამისა, ჩვენამდე მოაღწია ოსმ. საარქივო დოკუმენტებმა, რ-ებიც არზრუმის დროებითი ბავის პირობებისა და მისი მიმდინარეობის გარკვევის საშუალებას იძლევა. ამ მონაცემებით ირკვევა, რომ ქართლი, კახეთი და ახალციხე-ბორჩალოს ტერიტორიები ირანელებს ერგოთ, ხოლო იმერეთის სამეფო, სამეგრელოსა და გურიის სამთავროები, ტაოს მხარე და ოლთის-თორთომი ოსმ. ხელისუფლებას დაემორჩილა. საქართველოსა და არზრუმში, თავიანთი გავლენის სფეროში მოქცეულ ტერიტორიებზე, ოსმალებმა ოცი ადმ. ერთეული – სანჯაყი შექმნეს. გარდა ამისა, გურიისა და სამეგრელოს სამთავროებს და იმერეთის სამეფოს სულთნის სასარგებლოდ ყოველწლიური ხარაჯის გადახდა დაევალა.

ლიტ.: უ რ უ შ ა ძ ე ლ., ირან-ოსმალეთის 1554 წლის დროებითი ბავის შესახებ, «საქართველ. მეცნ. აკადემიის მოამბე», 1988, ტ. 131, №1; ჩ ო ჩ ი ე ვ ი ვ., ირან-ოსმალეთის 1554 წლის დროებითი ბავი, «აღმოსავლური ფილოლოგია», [ნაკვ.] 3, თბ., 1973;

K i r z i o ğ l u F., Osmanlilarin Kafkas-ellerini fethi (1451- 1590), Ankara, 1976.

ლ. ურუშაძე
